



Til adressatar i følge liste

Saksbehandlar, innvalstelefon

Tom Dybwad, 5764 3123

Vingen landskapsvernområde - framlegg til forvaltningsplan

Statsforvaltaren i Vestland sender med dette på høyring eit framlegg til forvaltningsplan for Vingen landskapsvernområde.

Forvaltningsplanen skal vere eit hjelpemiddel for å oppretthalde verneformålet og for å fremje verneverdiane. Forvaltningsplanen blir utarbeidd innanfor rammene i gjeldande verneforskrift. Planen skal også fungere som rettleiar for forvaltningsstyresmaktene. Forvaltningsplanen er ikkje eit juridisk bindande dokument, men skal avklare handtering av verne- og brukarinteresser i området.

Vingen landskapsvernområde vart oppretta ved kgl.res. 9. mai 1980. Vingen kulturminnevernområde, som omfattar den vestlege delen av landskapsvernområdet kring Vingepollen og sjøen med helleristingar, vart freda 02.11.2001 i medhald av kulturminnelova som områdefreding. Vingebu (Vingen vakthytte) vart freda 14.08.2015 som ein del av landsverneplanen for statlege bygg. Statsforvaltaren i Vestland er forvaltningsstyresmakt i landskapsvernområdet, medan Vestland fylkeskommune er forvaltningsstyresmakt for kulturminna med helleristingsfelta.

Formålet med oppretting av Vingen landskapsvernområde er «å verne eit vakkert naturlandskap med viktige kulturhistoriske særtrekk (helleristingsfelt)» (verneforskrifta pkt. III).

Statsforvaltaren vil samarbeide tett med Vestland fylkeskommune om forvaltningsplanen slik at forvaltninga av natur og kultur vert forvalta til beste for både delar. Vi er kjende med at fylkeskommunen våren 2021 vil setje i gang arbeidet med ein revisjon av gjeldande forvaltningsplan og skjøtselsplan for kulturminneområdet i Vingen. Vi ser det som ønskjeleg og viktig å samkøyre revisjon av forvaltnings- og skjøtselsplan for kulturminna med utarbeiding av forvaltningsplanen for landskapsvernområdet.

Våren/sommaren 2021 vil Miljøfaglig Utredning gjennomføre ei artskartlegging i Vingen landskapsvernområde. Resultata frå kartlegginga vil bli innarbeid i forvaltningsplanen før denne vert godkjend.

Det kan vere aktuelt med opne møte i samband med utarbeidinga av forvaltningsplan.



Alle som ønsker det kan kome med fråsegn til framlegget til forvaltningsplan. Vi ber om at fråsegner vert sendt statsforvaltaren innan **15. august 2021**. Framlegg til forvaltningsplan og aktuelle vedlegg er tilgjengelege denne lenka: <https://fpmv.naturbase.no/Plan/View?NaturvernId=VV00000574>

Etter høyringa vil fråsegner som er i samsvar med verneforskrifta bli innarbeidd, og forvaltningsplanen vil truleg verte godkjend på slutten av 2021. Det er Statsforvaltaren i Vestland som sjølv godkjenner forvaltningsplanen for landskapsvernområdet.

Med helsing

Eline Orheim
seksjonsleiar

Tom Dybwad
prosjektmedarbeidar

Dokumentet er elektronisk godkjent

Vedlegg:

Framlegg til forvaltningsplan for Vingen landskapsvernområde med

- Verneforskrift for Vingen landskapsvernområde av 9.05.1980
- Kart over Vingen landskapsvernområde og Vingen kulturminneområde
- Fotovedlegg Vingen landskapsvernområde og kulturminne
- Riksantikvaren sitt brev av 2.11.2001 om freding av Vingen kulturminneområde
- Forskrift om freding av Vingen kulturminneområde av 2.11.2001
- Oversikt KULA-område (framlegg) Vestland fylkeskommune sept 2020

Lenke til framlegg til forvaltningsplan for Vingen landskapsvernområde med vedlegg:

<https://fpmv.naturbase.no/Plan/View?NaturvernId=VV00000574>

Adresseliste:

Universitetsmuseet i Bergen
Svelgen Kraft
Vestland fylkeskommune
Bremanger kommune
Åse Leirgulen
Elkem Bremanger
Riksantikvaren
Miljødirektoratet
Tor Hanson
Signe Hanson
Rolf og Anja Vingelven
Kristin Farestveit
Magnar Tore Vingen
Ingrid Vingen Vedeld
Rune Vingen
Svelgsdalen jaktvald v/ Alf Håøy
Miljødirektoratet

